

養素堂文集

養素堂文集卷三十二

菴威張 澍介族

釋二

春秋時人名字釋

余十六歲時在都作春秋時人名字釋數篇後通籍二十餘季乃見同季王伯申侍郎名字詒檢舊藁參閱與王說互有異同不忍焚毀仍錄而存之

魯大夫名字釋

公子堅字子石法言石不奪堅莫如石故字之公子翬字羽父介正鷹隼醜其飛也翬舍人注飛疾羽聲又素質

五采皆備之雉名聲名字相應公子鞏字厚尔正鞏篤堅厚也作革作鞏者訛厚與后通故又作后公子買字子叢尔正買買也玉篇叢聚也即今之所謂集聚貨之處公子務人字爲檀弓作禹人正義云禹務聲相近一云禹人公爲之字說文爲母猴也尔正在寓屬故以爲字公子益師字照父易師照也益師言師之照多公子彊字子臧彊即區字公芊盜殺陳夏彊夫左氏穀梁竝作區夫說文區臧匿也臧古藏字公子尾字施父尔正釋詁矢施也施陳也昆施可訓陳言其尾之展布也又毛傳施移也言尾之動移也詩將其來施施箋云舒行兒言尾之垂施施然也公

子牙字叔其後爲叔孫氏公子慶父字仲其後爲仲孫氏
公子友字季其後爲季孫氏三者皆以次序爲字公子奚
斯字子魚奚斯馬名劉劭趙都賤云良馬則飛兔奚斯卽
雞斯也字魚者尔疋馬二目白曰魚詩有驪有魚又斯字
古讀如鮮齊魯之閒鮮聲近斯魚以鮮爲美或取此公孫
宿字成宿與夙通夙成者早成也言幼有成人之度又宿
風姓小國字成秉國之成也公孫有陘字山尔疋山絕陘
說文陘山絕坎叔孫輒字子張輒者耳坐左右外向似張
如山海經言張其兩耳子叔輒字伯張取義同仲孫它字
子服它卽純字說文袿褕也子叔文楚字仲南楚國在南

故字公斂陽字處父古人夏處陰冬處陽見管子故名陽
字處父或慕晉之陽處父以爲字公山不狃字子洩一作
弗擾毛傳狃習也說文狃狎也杜左注狃怵也說文怵習
也則狃怵皆訓貫習擾亦馴習之義張楫雜字怵音曳與
洩同聲公孫歸父字子家取子之于歸宜其室家也公彌
字鉏尔疋彌終也鄣注終竟也說文佻彌云久長也字鉏
者取禾易長畝終善且有之義皆越字夸越卽甌越越有
東南爲蠻夸國林楚字子南楚南邦也公芊佻臨南古臨
與林通如臨頤亦佻林頤展喜字乙魯語稱乙喜者先字
後名乙予鳥請子之候鳥乙至而得子故可喜楚辭簡狄

在臺讐何宜乎鳥致詒女何喜是已展獲字禽禽鳥獸之
通名禽卽擒字取田獵獲禽獸也孔紇字叔梁蕒書注麥
粗屑爲紇頭則紇者麥屑也梁宜作梁精穀米也以相反
取義又紇與佻通佻勇壯也梁彊梁也季寤字子言倉頡
篇覺而有言曰寤詩邶風寤言不寐孟側字之反詩展轉
反側子家羈字駒說文羈馬絡頭也馬二歲爲駒子服湫
字孟椒湫與椒通左傳椒舉國語作湫舉椒香草也叔孫
帶字虺蝮蛇名虺帶亦蛇名淮南萬畢術云卽且甘帶公
亥字若蕒書亥莖也莖草木滋生也若亦草木之萌芽

齊大夫名字釋

公子固字子城周官夏官掌固掌修城郭溝池樹梁之固城以固爲要也公子鑄字子工說文鑄銷金也考工記有攻金之工一倅子公公字通公子舉字勞管子有功勞者則舉之公子于字且于且皆訓大介正郟注江南人呼大爲駟猶泉陽漁人余且之謂春秋傳載甲夜入且于之隧言大隧也又于諸于且巴且或取草以爲名字公子祈字子高祁與祈通古者祈禱必于高山淮南子云山高則祈萃至矣公子堅字欒欒木名易其于木也爲堅多心爲堅多節公孫竈字子雅雅卽鴉字黑色竈突煙撇黑韓非倅子夏夏與雅通公孫捷字子車捷疾也司馬法戎車尚

疾東鄙賈字子方即大陸子方方大也賈音估即所謂大商矣又賈即價字言其價之大也北鄙佐字子車古獵戎之車皆有副曰佐見鄭康成少儀注左傳鄭周父御佐車又即左字所謂左車廣莖君李左車取名亦以此東鄙牙字丞札佩玉有衝牙詩傳佩玉上有蔥珩下有雙璜衝牙蠙珠以納其閒所謂丞佩也名字取此或謂牙旗也旃丞垂然公孫蠶字子尾服虔通俗文長尾爲蠶鄭詩箋蠶螫蟲尾末捷然似婦人髮末曲上卷然蓋蠶即蝟以尾螫人者公孫青字子石神農本草玉石部有空青曾青白青扁青膚青皆玉石之屬公子湫字子淵說文湫水清也安定

朝那有湫淵析歸父字子家言歸于室家也李巡云門以
內爲家子淵捷字子車取車疾驅之義與公孫捷同梁丘
據字子猶索隱云字子將據卽據梧之據猶若也見毛傳
言有所據依容貌自若也又鄭氏凡器注猶道也據于道
猶據于德云尔將助也據助皆用力之意或取于此彗還
字周還與旋通說文旋周旋一佗彗舟舟與周同慶集字
繩說文箕頭衰軌態也廣雅繩直也蓋頭邪爲名繩直爲
字以邪直相反爲義慶封字子家古讀封爲邦論語且在
邦域之中矣釋文邦或作封釋名封邦也名邦字家取邦
家相配又尔疋封大也言大家猶之世家弦施字多尔疋

益多也言施之厚多慶嗣字子息尔疋嗣繼也子謂之息
國策之賤息舒祺是矣高齧字子齧說文齧齧側齧也
史記集解如淳曰齧齧者猶齧齧耳高彊字子良良與梁
通墨子之彊良即彊梁故仲良亦作仲梁爾止字子我鄭
箋止容也我讀爲儀言有容儀也田世家佗監止高止字
子容亦以容止爲義陳逆字子行逆迎也行行人也掌迎
送之官秋官小行人凡諸侯入王則逆勞于畿慶舍字子
之舍宅也居人子之舍又之往也往有所舍纒施字子旗
說文施旗兒陳盈字子苾苾與滿通淮南子苾繁紛拏高
注苾讀麥苾之苾是苾有滿義亦與萬通萬盈數也以盈

滿爲義杞殖字梁殖種也梁宜佊梁詩所謂殖梁黍稷犁
彌字鉏彌爲鑿之省文刈田之器猶公彌字鉏矣宗樓字
子陽樓高近日曰陽也弦章字子旗詩織文鳥章謂旗也
旌旗之采章所以示表一佊弦商商字與章通商度卽章
度也陳瓘字子玉說文瓘玉也左杜注瓘圭也陳書字占
鄭注周礼龜占書示食于吉則龜書卽繇辭又占與筮佔
同謂書也潁川人名小兒所書寫爲筮新序佊陳不占顏
庚字涿聚說文涿流下滴也涿聚者水積也古讀涿爲獨
周礼壺涿氏注故書涿爲獨杜子春曰獨讀爲濁言其源
之濁庚與廣通廣續也續又與畜通言有畜積或以顏濁

鄒爲涿聚誤濁鄒卽讐由雍巫字易牙法言作狄牙牙與
雅通故君牙作君雅蓋以巫之所爲遠于雅道也狄遠也
陳穉字孟夸夸與蕘通草始生穉木始生鄭康成易注蕘
木夏生陳開字子疆卽晏子之田開疆猶後人名辟疆也

晉大夫名字釋

芊舌赤字伯萼赤赤驥萼萼駟說文駟赤色穆天子傳萼
駟卽璞注色如萼而赤皆取喻于馬芊舌肸字叔向一字
叔譽灑書司馬相如傳肸纒布寫嚮卽纒字言芬香之氣
發越也神享祀則有譽吉故又字譽芊舌虎字叔鷲虎鷲
皆猛獸名字取此示服猛芊舌鮒字叔魚廣雅鮒鮒也揚

食我字伯石廣雅石秬也說文秬百二十斤也稻一秬爲
粲取人食幾石之義瑕呂飴甥字子金飴餉也吹簫賣之
子金宜伯子食訛爲金耳飴甥猶皇父之子名穀甥甥生
也猶陽生歸生之稱矣史記伯飴省水經注謂之瑕父飴
甥荀偃字伯游說文於旌旂之游也於即偃字女寬字叔
衷說文衷衣寬裕也蓋衷大也寬亦博大之訓女齊字叔
侯取商賢叔齊之名謚狐突字伯行突奔也奔走馳突行
之疾也見說文鄭箋士句字伯瑕句乞也瑕與假通假亦
乞句之謂狐偃字子犯偃與隱通人表徐偃王顏注即徐
隱王凡事君有犯而無隱取相反爲義荀盈字伯夙尔疋

夙早也朝既盈矣當夙興不寐也郤芮字子公芮與內通
名內字公者言其出內無私蔡黯字墨墨黯皆訓黑闇沒
字明沒者曰入則暗昧也以明爲字取義相反解揚字子
虎揚飛揚也虎嘯生風氣飛揚古今人表佗解陽陽揚字
通解張字張侯說文侯从人从厂象張布夏官王大射張
三侯得童字之味童童蒙也昧蒙闇也卽國語所云童昏
韓籀字叔禽籀與嚼通尔疋行扈嚼嚼故字禽知犓字子
羽犓與鶩通詩有鶩其羽毛傳鶩有文章郤豹字叔虎虎
與豹同爲猛獸趙衰字子餘衰者減少也餘殘也見說文
減少則無餘以相反取義又淮南子說林訓高注衰者差

也又見左昭三十二季杜注蓋皆有等衰也廣疋餘皆也
伯宗字尊毛傳宗尊也穀梁傳伯尊如尊盧氏伯宗盧
矣士蔞字子輿者取閉戶造車之意周虬鄭注輿眾也蔞
草名或取庶草蔞蕪之義邢奚字黃芊奚與猱通猱豕也
見方言廣疋徐鍇云奚腹大也名取豕而字芊猶名豹者
字虎名虎者字罷也周虬職方猱養杜子春讀猱爲奚班
志說文風俗通竝伯奚是猱爲偕字奚爲本字管子山高
而不崩則邢芊至矣淮南子山高則邢芊至高誘注邢芊
謂牧芊也或曰謂縣廩之芊則邢字本與芊相涉呂氏春
秋正伯邢奚奚又伯猱荀林父字伯古有伯林見楚辭而

王逸注爲申生非也。寺人披一名勃鞞，字伯楚。鞞履也。楚人名鞞曰履，師曠字子野，詩率彼曠野。毛傳曠空也，非矣。當訓爲廣野。鄧無恤字子良，卽王良，良與梁通。恤憂也，無憂則疆梁矣。亦作鄧無正。荀首字知季，首始也，季終也。作事謀始，尤當知終終之也。公辛作荀秀，秀當季字之譌。籀偃字游，取義與荀偃同。籀設字叔，以次弟爲字。

秦大夫名字釋

公子繫字子顯，檀弓子顯以致命于穆公。盧植注云古者以名字相配，顯當作鞞。說文作靈，箬腋鞞也。公子鍼字伯車，鍼宜作鍼，與鈇通。說文鈇，膏車鐵鈇。世本作后伯車公。

孫枝字子桑桑枝沃若也百里視孟明書視遠惟明取此
義西術字乞公牟傳作西遂術遂古字通管子度地篇百
家爲里里十爲術術十爲州卽月令審端徑術之術乞與
訖同訖終也遂亦終也白丙字乙丙爲火乙爲木名丙字
乙取火生于木之義孫陽字伯樂詩君子陽陽其樂只且
陽陽與養養通樂也廣疋陽暢也言心舒暢則歡樂

楚大夫名字釋

公子商字辰子產曰遷闕伯于商丘至辰商人晁因故辰
爲商星公子善字元易文言曰元者善之長也公子黑肱
字子皙皙白色與黑相反爲文公子結字子綦綦左傳楚

語作期綦結也士喪凡綦結于跗又組繫于踵鄭注綦履
係也是綦者結也以物約束謂之結亦謂之綦也王子鉤
字發左傳作公子棐鉤與穀同聲穀張弩也發射矢也世
系表蚡冒生蔦章字無鉤鄧名世云蚡冒生王子章字發
鉤公子比字子干殷臣有比干此以名字配之公子壬夫
字子辛壬爲水辛爲金取水生金之義作王夫者譌公子
午字子庚詩吉日庚午是也一云公子午字子庭庭直也
生之日直午也公子申字子西古人名申者多字子西淮
南子招擢在申其佐西方也公子嬰齊字子重齊整齊也
重慎重也言有威重也公子追舒字子南舒荆舒也在南

公子魴字子魚亦正魴魴即今之鰯魚公子貞字子囊說
文貞卜商也左哀十七季傳衛侯貞卜謂問于卜也字囊
者謂啟囊以問囊龜囊也公子啟字子問問啟皆陳名逸
周書卒居前曰開左右一卒曰問開啟也門椒字伯芴一
字子越椒爲香木其香芬苾芴即芬字又字越者越揚也
上林賦所云照香發越門穀於菟字子文楚人謂乳爲穀
謂虎爲於菟故命之曰門穀於菟虎文炳故字子文瀟書
作穀於櫟門宜申字子西申在西方也門成然字子旗然
與旃通周礼九旗通帛爲旃旃即爐字左傳有旃然之水
旃然楚方言也即蔓成然字子期期與旗通猶巫馬旗也

巫馬期矣鬥般字子揚般卽斑字斑虎文也虎文飛揚故
字揚猶解揚字虎矣蔣賈字伯胤賈卽商賈之賈胤卽胤
字呂忱字林曰胤有餘也言賈有餘利也曾阜曰賈而欲
胤而惡躑乎蓮罷字子蕩胤注罷之爲言罷勞字蕩者欲
其動卽震蕩也公羊卽蓮頗人疲則傾頗義亦同蓮呂臣
字叔伯古異姓同姓之臣君稱叔稱伯囊瓦字子常瓦裳
也說文大益謂之裳裳與裳通裳亦卽裳令尹舍字子發
舍施也發亦施也書發鉅橋之粟是已文之無畏字子舟
汎舟則畏風濤之險字無畏者自壯之詞觀從字子玉從
與璫通璫卽璫字詩有璫璫璫璫玉色故字之成得臣字

子玉君子無故玉不去身君子于玉比德焉德與得古字
同沈諸梁字子高梁山梁也山梁高故字之諸梁即都梁
故孟諸佗孟都成嘉字子孔从乙从子乙爲請子之鳥乙
至而得子嘉美之也見說文屈巫臣字靈王逸楚辭注靈
謂巫也楚人謂巫曰靈子說文靈字从巫佗靈莫敖章字
子粦章章采也孔傳粦采色以采色取義又楚有章粦之
臺屈禦寇字子邊言禦寇于邊有柰功鬥勃字子上左傳
其興也勃焉勃爲興起故字子上上升也唐蔑字明楚世
家佗唐昧說文昧目不明也又云蔑勞目無精也目不明
而以明字之晉先蔑唐后繹佗先昧是蔑昧字通仲歸字

子家與公孫歸父鄭公子歸生取義同郤宛字子驪宛與
苑通亦與蘊通言苑結也心苑結則怨惡史老子字子臚介
疋老壽也臚勉也大雅棫樸篇臚臚我王荀子富國篇作
勉勉名老子字臚者言老而不衰益勉力猶言耄而好學矣
陽句字子瑕句乞也瑕與假通假亦乞句也公孫寧字子
國國以安寧爲上本固邦寧故字之成熊字虎熊虎皆猛
獸公芊作成然亦獸名卽果然也皮可爲褥周礼之然
禛也公芊作成虎是舉其字伍員字子胥胥才智也與譚
同智欲員而用欲方也員宜爲玉淵反屈建字子木山海
經建木其枝九櫛太子建字子木取義亦然屈到字子夕

到至也言從朝至夕所謂溫恭朝夕也成大心字孫伯孫
即遜字遜順也言心雖大而畏慎也

宋大夫名字釋

公子充石字皇父石頤古字通充大也頤大也石亦大也
皇亦訓大見尔疋毛傳尸子高誘注公子說字好父古說
字多訓好見毛傳韋昭國語注說與媿同又作悅方言廣
雅皆訓好益喜好之意公子術字樂甫術與遂通淮南子
注遂安樂也一作衍甫衍亦樂也公子肸字向父向即嚮
字取肸嚮豐融之義猶丰舌肸字叔向也公子圍龜字子
靈易頤初九舍尔靈龜尔疋龜俯首者靈史記曰者傳九

龜有靈龜也公子目夸字子魚魚有比目者鮒即鮓鮓也
目夸或即逐鯁故字子魚公孫周字子高楚辭水周乎堂
下周滿也滿則高取義于此公子仲幾字子然易惟幾也
故能成天下之務廣正然成也言能成務也公子禦戎字
子邊言禦寇于邊竟耳陳畱風俗傳作公子戍亦取戍守
邊疆之義亦作公子城字子邊公子督字萼父古人以篤
爲督書曰篤不忘潘岳馬汧督諫作調督不忘是也篤厚
也實也字萼者取萼實苾茂之義公孫願繹字願父世本
作石甫願繹左傳正義作願父澤說文願大頭也又云願
大頭也方言繹廣也又大也蓋取願大爲義澤係繹字之

譌公孫嘉字孔父其取名字與鄭公子嘉楚成嘉同南宮
萬字萬左傳作南宮長萬經作宋萬古萬字與曼字同曼
長也見毛傳樂溷字子明溷爲屏隱幽黯之地以相反爲
字故曰明樂傾字存甫說文傾仄也仄不平也存平也取
相反爲義樂轡字子蕩馬頭銜絡爲轡鞵馬額上組也蕩
當與鞵通卽鉤膺鏤錫之錫樂祁字子梁祁大也見毛傳
梁信也見白虎通言有大信也又祁與麇通詩之其祁孔
有鄭作麇也麇之物多在山梁樂葑字子潞定四年左傳
績葑旃旌杜注績葑大赤取染草名也釋文正義引左傳
皆作葑卽茜草余正之茅蒐也六月詩白旆央央釋文云

縹作袂本一作旃白旃當作帛袂名袂字潞者言旗之鮮
明簪露也古潞露字通蕩澤字子山以山澤相配爲名字
樂喜字子罕凡物稀罕者可喜物以少而見珍也溘書作
子冉向宜字子祿詩小雅福祿宜之祿又訓善粵家字世
子古人以世祿之家爲貴故家者承世之辭見詩正義桓
司馬之臣克字子儀古文儀與義同義从我董子云以義
正我蓋義至斷制與名克相應粵亥字合比亥水也易比
卦地上有水合比者言以水投水也向巢字眇巢巢車瞭
望之車也字眇者眇能視也巢一作譙亦取煦望爲義

鄭大夫名字釋

公子呂字子封白虎通呂之爲言拒也封閉也易不封虞
注穿土爲封亦閉拒之義又淮南天文訓仲呂者中充大
也商頌封建厥福毛傳封大也公子嘉字子孔說文嘉美
也孔通也从乙子河上公老子注孔大也孔嘉皆大美之
意公子去疾字子良疾惡也良善也去疾則良矣良疆也
一云字子豐公子喜字子罕罕少也物以少而見珍故可
喜與宋子罕取義同公子語字子人語與人語也毛傳論
難曰語穀梁伯禦禦語古通猶禦兒伯語兒也公子發字
子國詩周頌鄭箋發伐也取伐國爲義猶之辟疆云尔公
子宋字子公宋國公壽也公子駢字子駟車駕馬兩馬在

外謂之駢說文駢爲駢旁馬鄭箋駢兩駢也正義云名駢者以駟馬有駢駢之容公羊作公子斐公子班字子如易乘馬班如班與如皆訓均齊見廣疋公子魚臣字僕叔魚有婢妾魚婢妾猶僕也臣亦僕也書我罔爲臣僕公子偃字子游放旗之游也取偃旗之義公子論字子卬論與綸通人表伯綸顏注工頑反綸卽綬也公子平字子豐尸子豐季謂之升平公子歸生字子家詩之子子歸宜其室家公子瑕字子適管子注瑕適王病也呂氏春秋云四寸之玉必有瑕適公孫掬字子羽介疋百羽謂之緬緬卽掬字又掬與翬通翬羽翬也見介疋注公孫蠆字子嶠說文蠆

螭皆毒蟲也六書故螭卷尾彊曲也名字取此言蠶尾螭
曲也公羊傳作公孫螭公孫夏字子西大夏西方之山見
高誘呂覽注又西夏國見周書史記篇公孫段字子石段
與殿同又作鍛毛傳鍛石也說文鍛厲石也引公孫殿公
孫關字子都都雅也又美也爾氏亦美也公孫黑肱字子
張肱臂也張僞猶言張掖舒肘之謂也猶周之黑肩黑鷲
爲名公羊作黑弓者以弓偕肱也公孫輒字子耳輒與取
通說文取耳垂也說文引作秦大夫誤公孫舍之字子展
方言舒展也舍與舒古字通取舒展爲義公孫黑字子皙
皙白色義與黑相反公孫僑字子產一字子美說文僑高

也尔疋喬高也故國僑亦作國喬產與幄同亦高也又眾
經音義引廣疋云僑才也字子美言美才也國參字子思
參爲參伍之參參伍錯綜之數必思而得之故字思世本
作士思參游取字子明說文取多白眼也目精欲明因取
以爲字游楚字子南商頌惟女荆楚居國南鄉晷也游言
字大叔論語作世叔如衛大叔儀作世叔儀宋樂大心作
樂世心也古字大與世相通公羊經文世室屋壞左氏穀
梁作大室當取大吉之義釋文音泰非溷罕字子寬罕者
少也少小則狹故取字子寬罕逢字子姚一字臚韓詩外
傳姚姚者乎姚盛也逢條逢也與盛義相通駟帶字子上

兀視下干帶則憂故字上駟乞字子瑕乞丐也瑕通假假亦乞貸駟歛字子然歛卽顓字左傳歛孫人表作顓孫顓歛也專歛則自然矣罕嬰齊字子齧齧者齒不齊也說文伯子齧禪諶字齧諶與熨同詩烝于熨毛傳熨炷竈也尔疋注今之三隅竈說文云行竈古今人表作罕湛良霄字伯有霄與宵通宵夜也有者時有養夜也又霄者氣至空中而消盡也字有者以相反取義罕虎字子皮古人以虎豹之皮爲庭寶公羊作軒虎印癸字子桺古耶桺同耶爲酉字以干支取義石癸字甲癸爲水甲爲木取木生于水也石制字子服以箝制服從爲義又制與製同說文製

裁衣也豐施字子旗說文施旗兒豐卷字子張卷曲也舒張也以相反爲義驪蔑字子明檀弓鄭注蔑目無精也故以明爲字駟引字子般引與鞞通般與鞞通鞞皆馬飾

衛大夫名字釋

公子黑背字析析與皙同皙白色也相反取義一作黑臀公孫彌牟字子之彌牟者四方也四方男子之所有事也故字子之一云文子木字彌牟彌牟者木根盤互也猶根牟云尔公子鱒字子鮮鱒魚名說文鮮新魚精也公子郢字子南郢楚都在南郡江陵公子楚字子南一名荆荆楚南國也二人取義皆同世叔齊字疾余正齊疾也名字義

相應庾差字子魚孟子作庾公之斯斯古讀爲鮮說文鱮
藏魚也南方謂之鮓北方謂之鱮人表作庾公鱮卽鱮字
祝鮓字子魚鮓注尔疋鮓今吹沙小魚也史鮓字魚鮓注
尔疋鮓今泥鮓夏戊字丁戊爲土丁爲火取土生于火之
義蘧瑗字伯玉尔疋好倍罔謂之瑗孫襄字伯國襄國地
名幽州之襄平也公子繫名疆字公孟足不良故名繫若
羈絆耳又名疆者足病不出若藏匿疆弩端之弦也公孟
畏子之稱公牟傳作名輒亦兩足不能相過之訓楚謂之
跣衛謂之輒

陳大夫名字釋

公子少西字子夏西爲秋南爲夏少西故字子夏又西夏國名見周書史記篇與鄭公孫夏字子西同公子楚字子宋楚宋二國以二國爲名字也公子佗字五父五父魯地左傳詛諸五父之衢是也字五父者以他邦之地與名佗相應春秋如晉之智徐吾以鄭地芑越字陽州以芑地是也左佗公孫佗人公芊佗公子佗人夏徵舒字子南荆舒南邦也徵卽懲字詩所云荆舒是懲史記建元以來戾者乖表佗荆舒是徵陳屢受楚患故以此爲名猶後世之破胡矣

吳越萊大夫名字釋

文種字禽種布穀鳥也卽九扈之春扈鵠鵠賈逵云春扈分循相五土之宜趣民耕種者也高誘淮南子注作會者譌文選藁士賤注引吳越春秋伯字少禽太宰詒字子餘詒大也大則有餘故字之一引伯字與正與字子馬馬所以駕輿也韓非子伯子猛

蔡曹邾紀大夫名字釋

蔡公孫霍字盱風俗通云萬物盛長霍然而大尔正訐大也盱與訐通取盛大之義公子歸生字子家與鄭公子歸生字子家取義同曹公子欣時字子臧公牟傳伯喜時古今人表伯剗時毛傳時善也欣時喜于爲善也尔正臧善

也名字相應叔孫申字子我申與身通介正身我也言我躬也邾子顏字夸父顏岸古字通史記屠岸賈瀟書人表作屠顏古顏高岸也商山一名商顏夸平也名顏字夸父者取相反爲義或曰夸悅也如詩我心則夸言顏色喜悅公子菑字捷捷與接通史記捷子一作捷子也易不菑畲鄭注田一歲曰菑田以捷速爲不失時邾子克字儀父與楚鬥克字子儀取義同紀裂繻字子帛裂繻猶言裂帛耳蘇林瀟書注繻帛邊也酈道元以帛爲紀子名

孔門弟子名字釋

左人郢字行郢與逞通左傳衛公子郢瀟書人表作公子

遲說文楚謂疾行爲遲公祖句茲字子之句宜讀劬茲語
助言劬勤也子弟宜服勞奉養故字子之公西興如字子
上興車前古人登車有左上右上之儀故字子上他本作
與如者係譌字公西赤字子綦說文赤丹色卽璞穆天子
傳注色如綦而赤是綦亦赤色也公西蒧字子上蒧與箴
同箴規也字上者上書諫也家語作公西滅字子尙史記
佗子皙公良孺字子正孺幼稚也年幼之時必教之以正
所謂端其始也曲阜碑佗子幼端木賜字子貢余正貢賜
也字亦作贛贛亦賜也說文贛賜也貢獻也二字音同義
別是子貢當作贛漆雕哆字子斂哆與侈通哆大兒侈大

也斂省約也以相反爲義曲阜碑作子敏漆雕啟字子開
史記作漆雕開字子開者避景帝諱澶書人表作漆雕啟
家語作漆雕開字子若曲阜碑同漆雕徒父字子文家語
作從父誤宜作漆雕徒父卽漆雕憑亦卽漆雕馬人也見
說苑鄭康成作字子有或云子友友有皆訓多與徒字相
關作文者誤公伯繚字周繚繞也見王逸楚辭注周繞也
見韋昭國語注蓋以屈曲取義史記作公伯寮索隱云繚
一作遼南官括字子容一名韜韜寬容也見廣疋劍衣弓
衣皆謂之韜取包容爲義括亦包容之意罕父黑字子索
黑卽縹字說文縹索也縹卽易之縻矣史記作宰父黑顛

孫師字子張名師字張卽左氏張我軍之謂公皙哀字季次淮南子佗季襄家語哀佗克皆譌古人名不嫌不祥或其在喪次所生故名字生焉此如公牛哀之名哀孺悲之名悲矣叔仲會字子期說文期會也步叔乘字子車名乘字車義相配也一佗少叔乘巫馬施字子旗說文施旗兒論語佗期通僭字公孫龍字子石龍與龐通說文鷲磨也故字子石公冶萇名芝字子長芝滋也字長者言滋長也司馬耕字牛一名犁后稷之孫叔均佗牛耕故字牛犁亦耕田之謂說文引佗司馬惺惺牛膝下骨也澹臺滅明字子羽滅明日將沒也卽後世所謂夕陽棲鳥背矣又眾

鳥羣飛蔽曰故曰滅明字子羽也公夏首字乘首元也字
乘者取元戎十乘爲義家語作公夏守公肩定字子中
丕營室謂之定孫安云定正也天下作官室者皆以營室
中爲正史記作公堅定秦商字子丕商謂之章章盛大也
商亦訓盛大余丕大也家語作丕慈誤秦非字子之史
記大駱生非子非子秦之先也非姓秦故名非以子爲字
秦冉字子開冉龜甲緣也字開者啟筮之謂秦祖字子南
祖祖考南與男通男者任也言有男似續祖也卜商字子
夏左傳夏聲卽大聲也故曰能夏則大亦或取殷商夏后
國号曹卹字子循卪國中以簪策卹勿鄭注卹勿搔摩也

尔正率循也埶循與搔摩意同申黨字周濞郎中王政碑
作申棠索隱作申堂論語作申棖棖棠堂黨字皆相通音
近也荀子朋黨比周戰國策從人朋黨比周皆言結黨周
密也鄭康成作申續家語同作續者譌顏高字子驕高自
高也自高則傲故以驕爲字一作顏克克勝也克好勝人
之訓見馬融論語注說文馬高六尺曰驕或取此高一名
產顏噲字子聲詩噲噲其正斧鑿聲顏何字冉冉龜甲也
廣正何問也濞書陳利兵而誰何如淳注何猶問也名何
字冉者言問卜于龜也顏回字子淵說文淵回水也又云
回淵水也管子度地篇曰水出于地而不流者命曰淵顏

之僕字叔以兄弟之次爲字冉雍字仲弓雍與擁通擁持也取持弓之義冉耕字伯牛古人以牛耕也冉求字子有詩何有何亾黽勉求之顏無繇字路繇尔疋憂也無繇言無憂也字路者大也無憂則心廣大矣顏祖字襄廣疋祖上也玉篇襄上也取祖上之義又尔疋襄駕也小尔疋陵也言陵駕乎祖卽邁種之謂家語祖佗相譌顏奎字子柳洪邁隸續引史記佗顏子柳名辛則佗辛者是柳聚也曰將入諸邑所聚卽疋時也名辛者以支干爲配施之常字子恒恒之訓爲常神仙傳佗施存宓不齊字子賤不齊者言不整齊無威儀也有威則畏而愛之不威則人輕賤之

矣此相鼠之詩所爲佻也任不齊字選齊風舞則選兮毛
傳選齊也名字以相反爲義壤駟赤字子從赤赭色古徒
人衣赭所謂丹徒也壤家語佻穰字子從誤英賢傳以壤
駟爲複姓疑非左傳有郈工師駟赤則駟赤名也狄黑字
皙皙白色取字與名相反石佻蜀字子明蜀與譚通譚馬
譚也螢火蟲尔疋譚明也又韓子曰蠶似蜀淮南子蜀與
蠶相類而愛憎異說文蜀葵中蠶也詩所謂蝸蝸者蜀燿
燿宵行卽燐也英賢傳以石佻爲複姓家語佻石子蜀榮
旗字子祺唐書佻榮子旗是祺與旗通也周官交龍爲旗
尔疋有鈴曰旗言偃字子游游一佻於旌旗之游也偃臥

也取偃旗息鼓之義曾參字子與說文森字注从林从木
讀若曾參之參所林反晉灼讀如參乘之參初三反取三
人同輿之義卍部韻略曰曾參字子與蓋取驂乘之義商
瞿字子木淮南子木大者根樞樞與瞿通商澤字子秀凡
物被雨澤則藝秀也史記集解引家語伯字季誤高柴字
子羔毛傳云小芊曰羔大曰芊柴所以烹芊炮羔也陳亢
字子禽舍人尔疋注亢鳥高飛也樊光云亢屋鳥也說文
亢鳥隴也亢與亢同梁鱸字叔魚尔疋注鱸大魚似鱓鼻
口在頷下江東呼爲黃魚賈子說林言其母夢鱸魚飛入
室而生因名焉原亢字籀亢傲也抗傲者多陵籀人廉絜

字庸絜即潔字廣韻庸和也言廉潔則不爭而平和也有
若字子有尔正若順也有惠也言其有惠心也曾申字子
西淮南子時則訓孟秋之月招搖指申其佐西方后處字
子里毛傳里居也論語里仁爲美擇不處仁處亦居也仲
由字子路言由路也閔損字子騫詩不騫不崩毛傳騫虧
也高誘淮南子注虧損也顏師古藻書注騫損也取虧損
爲義曾箴字皙一伯曾箴說文伯臧字皙玉篇伯臧字子
皙論語伯點說文點小黑也則伯臧从占爲是即古點字
家語伯皙譌伯虔字子析方言廣疋竝言虔慧也析分析
也言智慧則能辯析家語伯字楷又伯皙宰子字子我余

疋子我也樊須字遲尔疋須待也字一佗頴遲亦待也名
字義相應鄭單單殫通單極也詩之單心卽殫心字家者
言治家必竭盡心力也家語佗子象誤冉孺字子魯孺幼
稚魯愚鈍言孺稚之人性愚魯也家語佗子魚譎邦異字
子斂文翁圖佗國選漢人避高祖諱改之說文巽柔巽也
斂收斂也故巽懦亦佗選懦名巽字斂者言巽順而斂集
也佗卦選者譎樂欵字子聲說文欵逆气也气逆則喉有
聲鄭國字子徙徙與都通申徙卽申都昞矣司馬法云王
國五百里爲都國必有都故名字相應孔鯉字伯魚鯉生
時魯君賜之鯉故以爲名榮君之賜也孔伋字子思伋與

急通左傳急子小序作伋子也思憂思也急則憂思孔白
字子上上與尙通般人尙白取義于此原憲字子思亦正
憲法度也名字取此言思不出佞邊法度也燕級字思級
與伋通取義與孔伋同縣成字子祺因榮子祺而致譌家
語作子橫爲是禹臣有橫革直成此效古人而爲名字也
琴牢字張廣正牢堅也凡堅牢之物絨滕必固不能開展
此以相反取義古今人表有琴牢近人謂有琴張無琴牢
家語不足信夫王肅與鄭子去異則有之豈能造人姓名
乎又豈孟堅龔子雍之說乎

養素堂文集卷三十三

茫威張 澍介侯

錄

客問錄

壬戌初秋余以事赴成都寓卓氏洞庭香館餘暑猶勺藥
袒跣臥匡牀亭午火雲燒空風來如炙戒關人勿通客語
未既有葛衫蒲扇樓鞵而至者則洪雅縣大令王梧軒好
音也余曰子何觸熱而襪襪爲毋乃犯程曉之所訶王曰
予居陋如坐蒸甑就君痛飲以消酷暑耳且蓄疑滿腹嚮
君剖析以洩猶豫幸教之毋吝予曰主臣謾聞恐不能爾

禽有孤來意幸言之或當啓予

梧軒曰天蒼蒼莽莽渾然一氣或謂天有門然否禽曰有之非天之春門也非天之秋門也天有九故九門屈平所謂園則九重虎豹九關也春秋佐助期曰左右角爲天門論衡曰天門在西北古樂府曰駕雲車驂白鹿上到天之門晉秦穆公趙簡子夢至帝所聽鈞天廣樂晉陶侃夢飛翔狎天天門九處身已入其八餘一門不得進北燕主馮跋嘗見天門闢神光赫然北齊文宣帝從世宗行過遼陽山獨見天門洞開渠非天有門乎

梧軒曰若然是天有形質非積氣也凡有形之物皆有毀

時不知天亦毀乎龔曰易云乾坤壞則無以見易是天固
有毀時矣河圖挺佐輔曰百世之後地高天下不風不雨
不寒不暑民復食土皆知其母不知其父如此千歲之後
天可倚杵洵隆隆莫知所終極此亦言天毀也然吾謂
世際泯焚陰陽錯亂星辰失度天地閉賢人隱此即天之
毀不必如其工氏折天柱絕地維也

梧軒曰蜀漢秦宓對吳張溫云天姓劉特以推尊昭烈爲
天子耳其實天無姓也龔曰君不觀道經乎張堅少不羈
愛養一白雀夢天劉翁責怒每欲殺之雀輒報堅終莫能
害劉翁親下觀之堅設賓主乃竊乘劉翁車駕白龍振策

登天劉翁失治俳佻五岳作災堅患之以劉翁爲泰山太
守主生死之籍是天帝本劉姓易爲張氏也然南史言崔
靈建夢天謂已曰蕭道成是我第十九子是天帝又爲蕭
姓矣

梧軒曰世言聖賢之生皆星宿降臨是世上多一人即天
上少一星也信諸禽曰不聞徐神翁之對蔡京乎天降魔
君數十擾亂世界君即其一觀于巨奸大慙之爲凶星惡
煞即可以知聖賢忠孝皆吉星福曜之所誕毓矣老子火
星微子牽牛顏回中台子路雷精張良弧星黃石土星蕭
何崑宿樊噲狼星東方朔霄壽歲星載在往籍不可誣也

晉傅說騎箕尾而箕星乃見曼倩在朝天上無歲星秦苻
堅時太史奏熒惑星不見下游人國唐僧一行囊七豕而
北斗七星不見豈非星降人閒而天上即匿曜乎

梧軒曰舊說大禹治水駐巫山之下雲華夫人授禹筮召
鬼神之書至淮渦命庚辰鑠巫支祁于龜山下母乃恢誕
不經乎畬曰晉秦穆公詩句芒下而賜之壽秦蜀守李久
瀛文翁制水靈之恠况神禹乎春秋感精符言禹治水天
降聖姑虬緯含文嘉言禹盡力溝洫百禱用成天賜玉女
知聖姑玉女之降則雲華授符之事有徵也且蒼水使者
自河出獻圖矣唐永泰中李湯爲楚州刺史曾于淮水用

牛五十餘頭牽巫支祁出見之與岳瀆經所言形狀不殊
卽有巫支祁則庚辰非亾是公矣李吉甫自忠州除潛時
峽漲洶怒忽有神涌出水上扶舟問之曰我黃麾神也曾
佐禹治水蕭邁自左史竄黔南亦夢黃麾神佑出境宋寇
準經叱灘黃麾神亦爲之翼舟夫黃麾既有則鴻蒙繇余
夸堅大翳狂章裔狂巨靈大章豎亥虞余章裔童律兜盧
犁婁烏陀陶臣橫革直成昭明郭哀孟涂扶登與夫杜子
業然子堪輕子玉旣子黯東里槐伯封叔范成先亦可信
其必有也

梧軒曰火性熱也而蕭丘有涼散水性寒也而驪山有温

泉奚以故。禽曰：此陰陽之氣之所爲也。陽極則陰生，故火亦寒；陰極則陽生，故水亦熱。海中之陰，火潛然；河中之石，油爲膏；則陰中有陽也。李媿之聖火不熱，江寧之明鏡色青，則陽中有陰也。造化不測，烏得而測之。

梧軒曰：日中有烏，月中有兔，何也？禽曰：日太陽之精也，陽數奇，故烏三足，月太陰之精也，陰數耦，故兔四足。或說：日月中並無烏兔，乃地與水之影。然后羿彈烏，顧兔在腹，見于螽，辭而五經通義曰：月中有兔，與蟾蜍月陰也。蟾蜍陽也，而與兔並明者，陰繫于陽之義也。是月又有蟾蜍矣。

梧軒曰：堯時十日並出，山海經言湯谷扶桑，上有十日竹

書云胤甲既佐居西河有妖孽十日竝出夏桀時兩日竝照何月未有二耶龔曰濊建始元季有兩月相承見于東方京房曰君弱而婦彊爲陰所乘則兩月竝出此萬異變故之爲耳孟子曰天無二日則月亦無二也夫人二目也而蒼頡四目鳥一首也而大荒有九頭鳥獸四足也而夔則一足恢奇之生不得以常理例之

梧軒曰世閒善人少而惡人多何耶余曰君不觀天平鮮風惠日景星慶雲之時少陰曠塵霾苦雨淒風之日常多亦猶是也又不觀之物乎祥麀威鳳白虎赤烏賓連平慮闕世而一出而性鴟毒蛇狂狼獠犬刺棘灌莽逐處皆是

君寤此可以知之矣

梧軒曰唐虞夏商周之君皆聖帝明王也而興圖反不及
漢唐且大遜于元代豈力不能恢廓而局促自安耶龠曰
唐虞夏商周其聲教所及者遠矣服則懷柔之不肯兼并
其地以爲我有也若嬴秦劉漢以暨金元皆務吞噬以力
制箝暴骨原野中國彫敝雖得其地叛者接踵蓋地彌廣
者德彌狹土逾大者治逾駁觀于享祚之長短可以知之
矣

談次日已莫呼童然燭擲酒又有剝啄叩門者延之入則
曰星泉刺史兆祺也曰君飲何不見招以賜餘瀝乎予曰

王兄設難蠡起幾窮我我舌敝唇焦君母困我星泉曰余
枵腹無書遠遜梧軒然有俗事以質問也余曰試言之
星泉曰時將屆七夕俗說牛女有相會事然否僉曰淮南
子蒞書五王傳四民月令傳予擬楚辭風土記齊諧記咸
言之未可以爲妄也春秋助佐期尙書邇斗樞云牽牛名
略緒織織女名收陰星經云牽牛名天關是二星並有其
名矣太白竊織女侍兒梁玉清衛承莊入小仙洞見東方
朔外傳蒞時有人至天河見丈夫牽牛飲河渚一女子織
乃竊其支機石以歸問之嚴君平則牽牛織女星也見博
物志荆楚歲時記梁孝元帝時士女簪白花傳言織女死

爲之箸服見南史孝子董永買身葬父天帝令織女降爲妻日織十匹縑贖之見孝子傳郭子儀赴銀州于塗次見織女乘雲駟而下子儀拜求富貴壽考見神仙感遇傳是織女亦下降爲人妻又曾有死時也則相會于七夕不得斥爲誕言矣

星泉曰俗言半菽不飽世豈有食半菽者乎倉曰半卽說文之料也廣韻半注五升也灌書云士卒食半菽孟康曰半五斗器名王劭曰言半量器容半升也然則孟康升誤斗王劭斗誤升矣

星泉曰蜀土爲帝王者咸他國人皇古不可知矣列國時

開明自荆來爲杜宇相杜宇禪之溘公孫述爲扶風人劉
昭烈爲涿人李雄李特李勢則略陽人王建則許州人孟
知祥則邢州人豈其地不利主人耶龔曰蜀人輕脰而善
動其得地不能堅守赤甲青羌雖果銳健鬥不能如秦隴
之耐辛苦燕趙之習鈍鷲也孔明治蜀故重用之晉時譙
縱伯亂據州郡大半旋卽傾覆此不能守之驗也且山險
仄水漂疾詎生帝王器耶

星泉曰世人言太歲又言太陰是二耶抑一耶龔曰太歲
卽太陰也淮南子天文訓言太陰在寅歲名曰攝提格太
陰在酉歲名曰單閼太陰在辰歲名曰執徐太陰在巳歲

名曰大荒落太陰在午歲名曰啟犇太陰在未歲名曰協
洽太陰在申歲名曰涖灘太陰在酉歲名曰伯鄂太陰在
戌歲名曰闕茂太陰在亥歲名曰大淵獻太陰在子歲名
曰困啟太陰在丑歲名曰赤奮若灋書天文志云太歲在
寅曰攝提格云云與尔疋言太歲在甲曰闕逢太歲在寅
曰攝提格相同不得以太陰太歲分爲二也開元占經星
占篇引許慎淮南子注云太陰謂太歲也歲星在天爲雄
太陰在地爲太陰是太歲即太陰矣蓋取在地之義名太
歲爲太陰也

星泉曰今世外吏謁上官持手本即古人所謂刺也惟見

于後漢禰衡傳之懷刺此或名刺之始乎又自稱曰卑職
起于何時會曰論衡云韓生通刺謁兒寬結膠漆之交則
在西京之世井丹傳丹未嘗修刺候人仇覽傳郭泰符融
齎刺就房謁之童恢傳楊賜被劾掾屬悉投刺去王符傳
書刺謁皇甫規郭林宗別傳士爭歸之載刺盈車三國志
注引郭頒世語云夏侯榮七歲書日千言經目輒記文帝
聞而請焉賓客百餘人人一奏刺悉書鄉邑名氏世所謂
齎里刺也睿示之一寓目使之徧設不誤一人竊意古人
未有紙削竹木以書姓名故謂之刺三代時早用之不始
于漢也元史河渠志有卑職參詳及卑職至真州等語是

公移牋牘所用也而陳天祥論盧世榮姦邪狀云卑職等在內外百司之閒伺察非違知無不糾是又稱于至尊前矣

星泉曰俗言男女交接犯日月星辰雷霆生子鬚髮皆白名曰天老然否齋曰非也周李聃出胎白髮故名老子豈元杲與蓋壽氏犯是忌乎且黃帝臣有天老不聞生而白髮猶也古人誕降恢奇不常生而能言者帝侑也生而有鬚者周靈王也生而能行者釋伽也後世生而白頭皮膚亦白者此殆其父母之氣感之

星泉曰古詩魚戲蓮葉東魚戲蓮葉南魚戲蓮葉西魚戲

蓮葉北殆一魚也時而戲東南時而戲西北耳會曰池塘之內豈養一魚乎蓋潛有多魚矣豈此一魚善戲佗魚皆不能戲乎詩人之意言魚有戲于東南者有戲于西北者必不指一魚也杜詩西川有杜鵑雲安有杜鵑豈西川一杜鵑雲安一杜鵑乎解詩不當如此滯

時滯三商二君曰今日相逢真解矇矣余曰二君勿復相苦須痛飲各傾十餘爵而去詰旦乃次其言而錄之

鄭司農弟子錄

按後漢書鄭子傳稱受業數千餘人今典籍湮佚無從稽考就其所知者疏記于此

郝慮字鴻豫山陽高平人官御史大夫受業于鄭子見魏志續溼書云郝慮少受業于子建安初爲侍中國淵字子尼樂安蓋人官司掾遷太僕師鄭子見魏志子別傳云淵始未知名子稱之曰國子尼美才也吾觀其人必爲國器路粹字文蔚陳畱人官軍謀祭酒受業鄭子見子本傳崔琰字季珪東菴城人官東西曹掾遷中尉與公孫方同學鄭子見魏志亦見子本傳三齊略記云鄭司農常居不其城一作南城又南山中教授黃巾亂乃謝遣生徒崔琰王經諸賢於此擗涕而散魏志王經字彥偉清河人殉高貴鄉公之難又崔琰遂初贈序曰琰性頑口訥至二十九

粗閱書傳聞北海有鄭徵君者當世名儒遂往造焉涉淄水歷祀馬祀都之津登鐵山以望高密封氏見聞記濊末崔琰于高密從鄭子學黃巾之亂泛海而南佗遂初賸王基字伯輿東萊曲城人官鎮東將軍王肅箸諸經傳解及論定朝議改易鄭子舊說基據持子義常與抗衡見基本傳任嘏字昭先樂安博昌人官黃門侍郎皆爲弟子見子傳嘏夙智早成鄉人爲之語曰蔣氏翁任氏童見嘏別傳嘏又爲河東太守見隨志應劭字仲遠南頓人官太山太守北面稱弟子見袁紹傳程秉字德樞南頓人逮事鄭子見吳志又鄭子傳子薦孫乾于徐州乾被辟命乾字公祐

北海人後爲蜀從事中郎秉忠將餉是孫乾亦康成弟子
馬昭爲子弟子官博士與王肅駁難見魏志舊唐書元澹
傳云守鄭學者有中郎馬昭上書以爲肅謬王學之輩占
答以聞又云王肅改鄭六十八條博士張融覈之將定臧
否融稱予注淵深廣博兩溘四百餘年未有偉于予者是
張融亦予弟子也又魏有秘書監孫安字叔然唐元行沖
釋疑云鄭學有孫安是叔然受業于康成弟子也宋均毛
詩詁序云我先師北海鄭司農則均亦傳業者均爲魏博
士見隨志曾注詩緯十卷孝經緯五卷春秋緯三十八卷
礼緯三卷樂緯三卷易緯九卷論語緯十卷及世本注七

卷又注司馬法五卷若鄭志所載有昃模汜爾冷剛臨頤
崇翺崇精王瓚王權焦喬孫皓張逸趙商甄子然鮑邁劉
玟任厥劉德陳鑠桓翺陳鏗巢民田瓊多不得其籍貫里
居惟張逸見鄭子別傳故尙書左丞同縣張逸年十三爲
縣小吏君謂之曰余有贊道之質玉雖美須彫琢而成器
能爲書生以成余志不對曰願之乃遂拔于其萃妻以弟
女趙商字子聲河內温人博學有秀才能講而吃不能劇
設見鄭子自序卒弟子趙商爲籀碑銘見孝經疏臨頤
字孝存北海人博學知名見孔融傳甄子然名異北海高
密人孔融稱爲烈士見孔融集子然與簡子真同藏第五

種見第五種傳又隨書經籍志王粲尊尚書釋問四卷王
粲問田瓊韓益正昞韓益亦弟子也田瓊爲魏博士有
功孤論議韓益爲魏大長秋著春秋三傳論十卷見隨書
經籍志通典魏劉德問田瓊曰失君父終身不得者其臣
當得昏否瓊答曰答許叔重但五經異義已設此疑鄭子
駁云若終身不昏除昞絕祖嗣也除而成昏違礼適權也
巢民見通典所引鄭志問張逸以三苗初竄西裔後分之
于南野今刻鄭志無此文倘鄭記六卷存則弟子之姓名
猶可稽也

名字錄

讀史知古人有名而無字如董仲舒是有字而無名如楊王孫是然別史外篇或存其名字暇日輯爲錄

神農名軌字石季見孝經鉤命訣春秋命歷序黃帝名伯余見許慎淮南子注字子律見山海經離朱字子羽見列子帝嚳字亾見真源賤丹朱之子名陵見路史丹朱之兄監明見英賢傳舜字都見帝王世紀舜字仲粦見真源賤許由字叅仲見魏隸高士傳共工姓孔名壬見郭琛尙書說崇伯鯀字熙見世紀禹字密見世紀一云字高密舜妻嫦娥字純狐見楚辭注或云純狐字姁娥皋陶字庭堅見列子注伯益字曠徵見服虔左傳注伯益之子名恩成見

世系表紂字受德見高誘呂氏春秋注飛廉字處父見水
經注伯夸名允一伯元字公信叔齊名智字公遼其父名
初字子朝見春秋少陽篇其中弟名憑字仲遼見博物志
仲虺之弟名雍滑見皇王大紀彭祖之長子名雀次子名
夸見仙傳拾遺彭祖之孫孚爲周錢府上士見姓誦又孫
元哲見古史考老子祖理徵取契和氏見路史老子之父
乾字元景見十六國春秋老子小名予祿見集真錄箕子
名聶餘比干名胥餘見尸子箕子名胥餘見司馬彪莊子
注比干之子名堅見姓源韻謹逢蒙之弟名鴻超見列子
后羿之師楚弧父見吳越春秋又師吉甫見世紀仲雍字

孰哉見世本吳越春秋周公旦字朝明見唐李傑修周公祠碑周公次子名伯齡見廣韻弟四子靖淵見英賢傳召公名隗見史籀齊太公子有將具見風俗通唐叔虞字子于見史記及徐廣引晉世家叔虞少子公明見姓謚呂望之妻馬氏見太平御覽或曰姓司馬氏宣王少子名尙父見廣韻妾名女鳩杜伯名恒均見還寃記杜伯之子隰叔見左傳注周平王之子名精縱見英賢傳緝威一名越字式見國語注子虛一名美或曰字子美見左傳疏易牙一名雍巫字牙見左傳疏一說易牙名巫或又曰名亞譎孫奭字長卿見唐世系表文種字子禽見越絕書呂氏春秋

作字禽奚祈字黃芊見呂氏春秋孔子兄名伯居見儀刑
疏一云伯尼公冶長字子芝見史記索隱范甯云名芝字
子長仲由之子仲子崔見師覺授孝子傳顏淵一字叔子
見毛詩傳北齊書以叔子爲顏回顏回之子名般見顏氏
家誡閔子騫之孫文見風俗通管仲之父名山字仲見世
本管仲之妾名婧見管子管仲奪邑之伯氏名偃見日本
所刻皇侃論語義疏釋例接輿姓陸名通字接輿見高士
傳孫叔敖名饒見楚相碑申包胥姓公孫見史記正義又
卽申庶見陸佃鵲冠子注飯伍員之女姓史見李白貞女
碑里克之妻司城氏少子季連見姓氏書晉師曠字子野

見服虔左注周太子晉之子名宗恭見世系表程本字子
粵見袁山松郡國志子路之徒成回子夏之徒子伯先見
姓謹西施姓夸名光見越絕書或曰卽鄭旦楊朱之弟名
布見列子楊朱姓楊名戎字子居見莊子釋文孟子父孟
孫激公宜母姓仇妻姓由見列女傳及三遷志孟子父名
仲璜見瓦釜後記孟軻字子輿一云字子居見史記正義
陳仲子字子終見高士傳智伯之子知開見秦本紀吳起
之子名期見劉向別錄扁鵲姓秦名少齊字越人見周虬
疏引史記姓盧字越人見韋昭國語注介子推姓王名光
見列仙傳一作介子綏見琴操杞梁名殖梁其字殖妻妹

名明月見琴操莊子字子休見莊子注田子方名無擇見
莊子杜康字仲寧見博物志謝氏詩源墨子姓翟名烏見
賈子說林公辛高之子名平見儒林傳九方皋一名歟見
列子無鹽醜女姓鍾離名春見列女傳一云名宿瘤段干
木之子名隱如見三輔決錄李園女弟名女環見越絕書
鬼谷子姓畱名務滋見程子一云姓王名詡字又作詡或
作謝見仙傳拾遺公孫龍字子秉見列子釋文匠石字伯
尚見文選注一云字伯夔見淮南子注成連本姓田名連
見韓子救蛇之隨侯姓祝名元暢見論語疏齊威王有虞
姬名損之見列女傳白起之子名仲始皇封于太原見氏

族志秦時毛女字玉真見神仙傳失馬塞翁姓李見高允
塞上翁亭詩序外黃小兒說項羽者姓仇名叔爲外黃令
仇明之子見太平清話溘高祖父名執嘉或云是字見世
紀又曰名熾見史正義母名舍始見世紀一云姓湯氏湯
或作溫見史記索隱又云姓王氏善相之呂公名文字叔
平見世紀項伯名纏見史記注曹參字伯敬見博物志韓
信之子名濼改韋氏見粵史司馬季主之男名法育女名
濟奪見真誥東園公姓轅名秉字宣明見陳畱志又姓圜
一云姓庾見陳畱風俗傳又姓韋見風俗通夏黃公崔廓
一作廣字少通見崔氏誼綺里季朱暉字文季或曰吳實

字子景見朱氏吳氏謚爵里先生周術字元道或云字道
元見周氏謚及周樹洞厓記呂后字姁娥見世紀蕭何夫
人名同見瀋書注陳平之妻蕭氏手有金花印見姓源韻
謚東方朔父姓張名夸字少平母田氏見洞冥記朔之妾
名宛若見瀋書注其二子長靈次妙見湖廣志叔孫通名
何見楚瀋看秋丁公名固亦見楚瀋春秋董仲舒之子符
起被放見世說少子名安見世系表霍去病之子名嬪見
功臣表衛青之子字叔騏見西京雜記李少君字雲翼見
瀋巷外傳李廣之父名尚見世系表東郭先生名甯乘見
衛青傳馮子都名殷見霍光傳注洛下閭姓黃名閔字長

公見桓譚新論劉歆字細君見後漢書注揚信字子烏雄
弟二子見劉向別錄東海孝婦姓周名育見按神記壺公
姓謝名元歷陽人費長房之師見三洞珠囊竹郎神名興
初見異苑楊王孫名貴見西京雜記卓文君前夫程鄭子
名皋見曹宗璠卓文君傳梓潼文君名參見張崇文歷代
小名記文翁名黨字仲翁見廬江七賢傳壺關三老姓令
狐名茂見袁宏漢紀及上黨記侯芭字鋪子見論衡崔烈
字威考見摯虞文章志諸葛孔明之女名果見魏了翁乘
煙觀記李密一名虔見寧陽國志蔣山神姓蔣名恭字子
文見幽明錄曹瞞一名吉利見曹瞞別傳注漢書之臣瓚

是薛瓚見水經注劉孝標云是于瓚見世說注一云是傅瓚見索隱君苗姓應或曰崔君苗見陸雲書衛夫人名鏐字茂漪見筆陳圖綠珠姓梁見圖經其女弟宋禕見世說注孫登一名廣田見仙傳桃源之漁人姓黃名道真見仙傳拾遺按神記薛仁貴名朮見碑文張巡子名亞父拜金吾將朮見新唐書花卿名敬定敬一作鷲見杜詩注李白之子名伯禽女名平陽見通幽錄作黃梁夢之盧生名英字萃之見于集仙傳張易之小名苾挈見朝野僉載薛濤字洪度見所北雜志白樂天之女名金鑿十歲忽書北山移文示家人見瀟湘錄楊震家奴名阿對見郡國志霍光

典衣奴名邏車見子門寶海經寶憲奴名玉當見東觀記
哥舒翰之奴名左車有剪力李林甫之奴名蒼壁性慧敏
見瀟湘錄渾瑊之奴高固字小奩見奉天錄又字黃芩見
新唐書崔生之崑崙奴名磨勒見誠齋雜記陶峴之崑崙
奴名摩訶見甘澤謠紫姑姓何名媚字麗卿萊陽人爲壽
陽李景之妾見顯異錄一云姓竺見孔平仲談苑女道士
魚子機字幼徵見唐詩紀事又字惠蘭見北夢瑣言

濼碑異姓錄

濼碑多異姓往往爲姓書所不載亦有姓書雖載而史傳
無其人聊舉最奇僻者于此皆楊慎夏樹芳畢隆周之所

未見也

孫叔敖碑陰有戶曹掾裒騰固始丞左馮翊如茆樊毅乞
復寧下田租口筭狀碑有嶠陰令胸忍先讎馮煥殘碑陰
有士曹史潁川鬲揚字茆節北海相景君碑文有辯賈碑
陰有修行中香字季逮修行營陵臨照字景曜營陵朋暹
字茆平故午營陵縛良字世騰修行營陵畱岑字溼興故
午營陵畱敏字元成騎吏替麟字敬后朱虛炅詩字孟道
故書佐劇乘禹字伯度東安平閻廣字廣宗門下督盜賊
掾劇騰頌字叔遠又有去遷陽嘉四季橋柱銘有河南尹
邳崇隗河南丞平陽降監橋道掾成臯卑國丞勃海重合

雙福高陽令楊箸碑陰有河東枝彥先故民富弘繁長張
禪題名碑有夸侯萇竟舒養伯達資偉山白虎夸王資偉
太尉楊震碑陰有南陽真仲忽真孝祖魏郡沐季興弘農
薄君明西鄉侯亭長栢昱子政汝南井學博馮翊虔建侯
頊文幾北海齋安祖河東唯彥淵救辯卿梁國富公輔河
東刀仲凱蜀郡屬國辛通達李仲曾造橋碑有荷吏代誦
北部勸農掾陰代埒公密巴郡太守張納功德碑有賊曹
史宥渠曲亂從掾佗荃當晉厚議曹掾荃當頓甫文學史
江州鉛遷守屬充國誰將簡中弧有安瀼邠升守屬江州
謁恭法曹史江州愠益從掾佗江州然存元久賊曹史江

州然雄掾史猶潭泰山都尉孔宙碑陰有魏郡鄴彞香伯
子鉅鹿廣宗捕廵字升臺北海都昌逢邴字伯鸞北海劓
章字文理魏郡館陶鄉瑱字仲雅童子逢盛碑有督郵劓
敬賓劓后升汲縣太公廟碑有邠勤爲功曹公乘伯喬碑
有邠審叔雍劉鎮南碑有南鄉太守樂陽亭侯旻思韓勅
孔廟碑陰有故豫州從事蕃加進子高番亾字季儒吳郡
卓衷字孟真譏曹掾順陽祭造字始平河南偃師度徵字
湛賢陳留敦祐字伯助太尉劉寬碑陰有平丘汲政孝方
茂陵摯齊摯綰城荅令勃海東光校萌叔豫敬陵令豫章
南昌能字缺一濟公汲州豫修真譏郎河東涼則孔成博令

河南密鄽峻興化原荃廉興伯則熒陽榮謙子讓原荃肱
定國故吏應酬殘題名碑有故吏畧習楠宗楠田楠舍楠
且楠庭永興宛令李孟初神祠碑有開陽貴咸酸菓令劉
熊碑陰有好學稽詳子季從掾佐擗橫公節處士雄稠景
直外黃守尉誠咸字升卓議曹掾畧荃偉文文學史畧超
公叔桂陽太守周憬碑陰有故吏舍滙堯禹字公制故吏
長沙溱昌寤祗字宣節舍滙長南郡郎蒼陸故吏曲紅潭
承字昇升故行事耒陽攀憂字溱威繁陽令楊君碑陰有
至孝涅夔君威處士遂瓌德璋功曹史良堅子石隗副券
藁靈臺帝堯碑末有己氏讓禮殺阬碑陰有郡吏緜羣字

伯羣沁文才藥授博文藥遼子長寔亮君謙郡吏鼓常德
濟介湏仲瑤郡吏劍翊字子翊營遼升高營缺仲公郡吏
灌珠升明救舉遂興救舅文曜帶宮字阿宮但邵字仲雲
司隸校尉魯峻碑有濟陰宦陶隸真子然陳國誠屯又敢
敦涼州刺史魏元丕碑有故豫州刺史朱虛旻襄公遷冀
州刺史王純碑陰有河東助元儁甘陵邳阿子山陽台元
世邵陽令曹全碑陰有鄉嚮夫曼駿安雲金曹史精暢文
亮學師宋恩等題名碑陰有文學掾猶玉衡謙仲卿邳進
竇高米巫祭酒張普題名碑有萌生太司徒楊震碑陰有
河內涅君興魏郡刑升高勃海刑公節州輔碑陰有優長

督匡仲英楊統碑陰有兒銀字伯玉蕩陰令張遷碑陰有
故吏騶尉蕤壽山亭碑有檀伯馮供此單姓也又複姓亦
多奇僻者如太尉劉寬碑陰有廣菴令漁陽弋門樊弘盛
陰安長安平經孫龜幼升羽林郎中河南南公珽南公明
大將軍掾穎陰綦母萌德達冀州刺史王純碑陰門生有
東郡成公元節北宮文紀濟北王史柜幼升繁陽令楊君
碑陰有功曹史成功豫伯舉成功宜元助成功速建賢故
吏勝屠琰季嚴勝屠曜子節功曹公乘儀元表故民公乘
柱漢舉韓勅孔廟後碑陰有石治柔石治京石治勉興石
治安瑕丘九百元臺九百知命弓仲玉弓仲過行義掾魯

弓如叔都公百燭世平公玉虎故司徒掾東門修文理河
東大陽西門儉字元節泰山都尉孔宙碑陰有河蘭阜成
東鄉農東鄉恭劇如廬浮字遵伯太尉楊震碑陰有平原
陶丘輔濫鉅鹿三川宣缺涿郡右師子操勃海公玉子舉
信成君嚴河南南宮進明三老袁良碑有公先勇安平相
孫根碑陰有領校尉終利士楊中郎終利延世終利茂貞
終利道機孫陽治孫陽季龍門禹廟宗季方題名碑有西
陵仲葦殺阮碑陰有郡吏略陽京師略陽孝弟略陽子缺
高陽令楊箸碑陰有沛君門生河東相里文調勃海孫叔
直博陵信都晏和北海相景君銘碑有故修行都昌台丘

暹字世德又故午都昌台丘遷字孟道宗俱碑陰有外黃
申徙商字文夏申徙稱字公乘倉頡廟碑有守左尉萬季
長沙瑗字君平泰山都尉孔宙碑陰有故吏泰山雩母樓
凱字世光司隸校尉魯峻碑陰有河東蒲反陽成缺文智
楊震碑陰有河東陽成惠明劉寬碑陰有蒲反陽成忠舍
成陽令唐扶頌有郡掾閻葵巴仲璵處士閻葵楚閻葵班
字宣高班大子閻葵讓公謙次子閻葵龔叔謙季子閻葵
廉仲絜靈臺碑有閻葵濫凡此皆見于濫碑其魏晉以下
不具論已

鈔濫碑陰姓名錄

吾甘介在邊裔漢魏時尙多顯人唐宋以後漸闕寂矣關
輔雖英俊星羅無表章之者亦同歸冥漠服日爾漢人碑
刻凡籍在雍涼者悉錄之以備志乘財擇

太尉劉寬碑陰門生名有故蓮勺令張掖日勒傳應幼則
良鄉長西河圜陽田植君長陝令上郡奢延郭頤升公離
石長北地泥陽王邑文都皮氏長右扶風杜陽魏傑齊卿
議郎北地靈州傅燮南容魯相韓勅碑陰有敦煌郡敦煌
翟牖子房茆都太守李翕天井道碑題名有丞右扶風陳
倉呂國字文寶門下掾下辨李虔字子行讖曹掾下辨李
晏字仲齋主簿下辨李遂字子蕓主簿上祿石祚字元祺

五官掾上祿張亢字惠叔功曹下辨姜納字元嗣尉曹史
老都王尼字孔光衡官有秩下辨李瑾字瑋甫從史佐下
辨仇靖字濛德下辨丞安定朝那皇甫彥字子才析里橋
鄆閤碑有下辨仇審字公信司空崇俱碑陰有安定臨涇
郭撫字子寧右扶風茂陵李瑋字世彥禹廟碑有南陽章
陵丞安定烏氏樊璋元孫劉寬碑陰又有高密長右扶風
槐里王京子直榆次長京兆長安董鳳子產永安長京兆
下圭駱缺伯彥蒲子長京兆雲陽袁唐長安杜隲伯瓊元
氏令京兆新豐王翊元輔杜陵羅班元希杜陵弭缺季子
下圭趙逢新豐王陳長陵成則下圭金訓孔明平陵張宣

郟樓哀雍劉訓姜靜茂陵擊齊鞏愴太尉楊震碑陰有扶
風郭高劔翊子翊田僱芳和高盛叔排楊服國先賈觀于
上慈仁安國張信叔信邑昌縣沈州刺史茂陵楊恭碑成
國渠左有安定梁巖冢碑城內有臨睢長左馮翊王善碑
善有治功屢遷廣漢屬國都尉魯相韓勅修孔廟碑有京
兆劉安初令漢中南鄭趙宣字子雅又荅都太守李翁字
伯都阿陽人郟陽令曹全碑有部吏王宰程橫學者李儒
纘規程寅門下王敞錄事掾王畢主簿王歷戶曹掾秦尙
功曹史王顓碑陰有鄉三老商量伯祺司馬集仲裳徵博
士李儒文優門下祭酒姚之辛鄉門下掾王敞元方門下

掾畢世異督郵李諶伯嗣督郵楊動子囊將軍令史董溥
建禮郡曹史守丞馬訪子謀楊榮長孳鄉嗇夫寧駿安雲
功曹任午子流功曹毛定吉王河孔達王吉子僑王時孔
良王獻子上秦尙孔都王衡道興楊休當女王衍文珪秦
杼濠都王翊子雲杜安元進鄧書掾姚閔升臺市掾王尊
文熹杜靖彥淵至簿鄧化孔彥門下賊曹王翊長河市掾
王理建和成播寧學楊則孔則程璜孔休扈安子安高賈
顯和王瓊季晦門下史秦並靜先城曹史王授文博金曹
史精暘文亮集曹史柯相文舉賊曹史趙福文祉法曹史
王敢文國塞曹史杜苗幼史吳產孔才

缺二字

部掾趙旻文

高又倉頡廟碑側題字守左尉萬季長沙瑗字君平衙縣
三老上官鳳季方時勤伯秋衙主記掾楊綬子長衙門下
功曹裴篤伯安衙門下游徼許愔功上錄事史楊禽孟布
集曹掾馬子仁馬伯超馮翊賈仲謙孫元鳳孫升國劉彥
長楊季明趙子惠虔建侯蘇文夏京兆田元矩左元臺引
農薄君明馮翊張子則京兆袁子方馮翊救辨卿馮翊瑱
文幾高陽令楊著碑陰有馮翊上官孝蘭字元歷戶門頌
碑末有五官掾南鄭趙邵字季南屬褒中龔濊疆字產伯
書佐西成王戒字文寶行丞事西成輔服字顯公都督掾
南鄭魏整字伯玉趙誦字公梁張公神碑有監犁陽營謁

者丞左馮翊夏陽趙寵德雅三公山碑有元氏左尉上郡

白土樊瑋字子義元氏令京兆新豐王翊字元輔樊毅學

山碑有掾粵陰王萇字德長都水掾霸陵杜遷書佐新豐

郎香縣丞隴西彭和伯怡左尉隴西甄璆叔曼殺阬碑有

左尉金城令居張德元缺有秩長安賈福仲鮫田亮伯南

蘇黨仲夏高紺子彊蘇璋元興路陽子慎缺二仲義蘇立

仲節李邵伯孝李政曼安王勝元超趙榮宜昌侯榮缺方

趙殷仲理王弘濼侯楊習元永萇防季方介仲景升趙齊

子成但邵仲雲田芝子叔張珪子珪桓梁子順來臨選高

許傾缺二楊平長方李珍伯缺丁封濼侯李極元永范建

子順呂泉文淵田表文飾王范顯方李紀德和靳苗長南

賈熙子寧任觀

缺二字

吳楞子方張巽幼謙李衡升擢王琦

威賢張修元載田禧元明王衍元升田謙敬讓趙慎季都

劉翔進方王頌子雅王咸幼寧梁和子陽馬

缺

選高營

仲公營遼升高節義君思蘇禎元升閔瀨國寧鄣歆賢明

鄧樾仲樾趙嵩璋津

缺二字

子孝倉曹掾任就子

缺故吏蓮

勺任皋高陵張順萬年左鄉有秩游暫畢舊蓮勺左鄉有

秩杜衡池陽左鄉有秩何博夏陽侯長烏琪粟邑侯何懶

寧嶽廟殘碑陰有功曹司隸茂才司空掾池陽鄣暉公休

功曹司空掾池陽吉寧伯房功曹太尉掾頻陽游殷幼齊

姑就所見紀之暇當補錄也